

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 30. stav 1. i člana 37. Zakona o izvršavanju Budžeta Federacije BiH za 2022. godinu („Službene novine Federacije BiH“, broj 25/22), i Odluke Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi neprofitnim organizacijama - Transfer za sufinansiranje troškova sahrana i dženaza pripadnika braniteljskih populacija“, utvrđenog Budžetom Federacije Bosne i Hercegovine za 2022. godinu („Službene novine Federacije BiH“, broj; 39/22), Federalno ministarstvo za pitanja boraca i invalida odbrambeno-oslobodilačkog rata/Federalno ministarstvu za pitanja branitelja i invalida domovinskog rata, objavljuje:

JAVNI POZIV
za podnošenje prijave za sufinansiranje troškova sahrana i dženaza pripadnika
braniteljskih populacija u 2022. godini

I

Predmet Javnog poziva je odobravanje jednokratnih novčanih pomoći za sufinansiranje troškova sahrana i dženaza pripadnika braniteljskih populacija iz sredstava „Tekući transferi neprofitnim organizacijama - Transfer za sufinansiranje troškova sahrana i dženaza pripadnika braniteljskih populacija“, utvrđenog Budžetom Federacije Bosne i Hercegovine za 2022. godinu, na razdjelu 32 – ekonomski kod 6143, Budžetom Federacije BiH za 2022. godinu („Službene novine Federacije BiH“, broj 25/22), u iznosu od 800.000,00 KM.

II

Zahtjev za sufinansiranje troškova sahrana i dženaza mogu podnijeti: ratni vojni invalidi, članovi uže porodice šehida i poginulih branitelja, dobitnici ratnih priznanja i odlikovanja i članovi njihovih porodica, demobilizirani branioци za slučaj smrti članova njihove uže porodice, koji ispunjavaju kriterije iz tačke IV ovog javnog poziva.

III

Raspodjela novčanih sredstava iz tačke I ovog Javnog poziva vršit će se u skladu sa općim i posebnim kriterijima za smrtne slučajeve iz 2022. godine, izuzetno i za smrtne slučajeve iz decembra/prosinca 2021. godine.

IV

Opći kriteriji za odobrenje sredstava za sufinansiranje troškova sahrana i dženaza je pripadnost braniteljskoj populaciji podnosioca zahtjeva ili člana njegove uže porodice.

- a) Podnosioci zahtjeva su: ratni vojni invalidi, članovi uže porodice šehida i poginulih boraca, dobitnici ratnih priznanja i odlikovanja i članovi njihovih porodica, demobilizirani branioци za slučaj smrti članova njihove uže porodice

(Pod članovima uže porodice smatraju se: roditelji, supružnici i djeca.)

Posebni kriteriji za odobrenje sredstava za sufinansiranje troškova sahrana i dženaza pripadnika braniteljskih populacija:

- a) Sredstva koja su odobrena Budžetom za 2022. godinu mogu se koristiti za dodjelu jednokratnih novčanih pomoći svim fizičkim licima navedenim u općim kriterijima ukoliko već nisu ostvarili pomoć po istom osnovu od drugog državnog organa ili institucije, odnosno pravnog lica.
- b) Novčana pomoć za smrtni slučaj iste osobe može se odobriti samo po osnovu jednog podnesenog zahtjeva. Dodjela sredstava se vrši na osnovu podnesenog pismenog zahtjeva i priloženih traženih dokumenata.

V

U skladu sa Odlukom Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi neprofitnim organizacijama - Transfer za sufinansiranje troškova sahrana i dženaza pripadnika boračkih populacija“, utvrđenog Budžetom Federacije BiH za 2022. godinu, definiran je iznos za dodjelu jednokratne novčane pomoći u iznosu od 400,00 KM (četiristotine konvertibilnih maraka).

Zahtjevi fizičkih lica koji su, kao uposlenici državnih, federalnih, kantonalnih ili općinskih organa uprave, upravnih organizacija i drugih javnih ustanova ili preduzeća, već ostvarili pravo na novčanu pomoć po istom osnovu za troškovu sahrane/dženaze iz budžetskih sredstava, neće se uzimati u razmatranje.

Javni poziv traje **do 31.12.2022. godine od dana** objavljivanja u dnevnim novinama.

VI

Prijave po Javnom poziv za sufinansiranje troškova sahrana i dženaza pripadnika braniteljskih populacija iz sredstava „Tekući transferi neprofitnim organizacijama- Transfer za sufinansiranje troškova sahrana i dženaza pripadnika braniteljskih populacija“, u 2022. godini, podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, putem pošte ili lično u zatvorenim kovertama, na adresu:

**Federalno ministarstvo za pitanja boraca/branitelja
i invalida odbrambeno-oslobodilačkog/domovinskog rata
ul. Hamdije Čemerlića br. 2.,
71000 Sarajevo**

sa naznakom:

**„ Javni poziv za podnošenje prijave za sufinansiranje troškova sahrana i dženaza
pripadnika braniteljskih populacija u 2022. godini “.**

VII

Aplikacioni formular će biti objavljen na WEB stranici Ministarstva (www.fmbi.gov.ba), a isti će se moći preuzeti i u prostorijama Pisarnice Ministarstva.

Nepotpune i neblagovremene prijave se neće uzimati u razmatranje.

Federalno ministarstvo nema obavezu vraćati predatu dokumentaciju aplikantima.

VIII

Uz zahtjev je potrebno dostaviti slijedeću dokumentaciju:

1. Smrtni list umrlog lica, original ili ovjerena kopija;
2. Uvjerenje o pripadnosti određenoj kategoriji boračke populacije podnosioca zahtjeva (kada zahtjev za pomoć podnosi u slučaju smrti člana svoje uže porodice), izdato od strane nadležnog općinskog organa za vojne evidencije (original ili ovjerena kopija);
3. Uvjerenje o pripadnosti određenoj kategoriji boračke populacije umrlog lica, kada zahtjev podnosi član uže porodice umrle osobe (original ili ovjerena kopija);
4. Kopija lične karte podnosioca zahtjeva (ovjerena);
5. Potvrda da nije ostvarena novčana pomoć za troškove sahrane/dženaze po istom osnovu, izdata od strane općine (služba za boračko-invalidsku zaštitu) ili kantona;
6. Kopija kartice tekućeg računa ili ovjerena potvrda banke sa brojem tekućeg računa podnosioca zahtjeva;
7. Dokaz o statusu podnosioca zahtjeva:
 - a) Ukoliko je podnosilac zahtjeva zaposlen, potrebno je dostaviti potvrdu od firme da nije ostvarena novčana pomoć po istom osnovu;

- o) Ukoliko je podnosilac zahtjeva nezaposlen, potrebno je dostaviti potvrdu sa biroa za zapošljavanje;
- c) Ukoliko podnosilac zahtjeva nije evidentiran na birou za zapošljavanje, potrebno je da dostavi Izjavu pod punom odgovornošću da nije zaposlen i da se ne nalazi na evidenciji biroa za zapošljavanje (Izjava treba biti ovjerena u općini);
- d) Ukoliko je podnosilac zahtjeva u penziji, potrebno je da dostavi ovjerenu kopiju zadnjeg čeka od penzije.



Broj: 01-37/2-1873/22
Sarajevo, 30.05.2022. godine

